



**Oinima ine oyo
Kalunga a hala
u i shiive**

1 OVE WA PUMBWA EXUPIFO

Osheshi aveshe ova nyona, nove he
noshinge shaKalunga.

Roma 3 : 23.

Omutima wovene ou nomakoto u
dule ashishe nowa nyonauka.

Olyelye ta dulu oku u shiiva ?

Jeremia 17 : 9.

Ndelenee fye atushe otwa li
ngaashi ovanyatekwa, nouyuki wetu
aushe owa kala ngaashi oshikutu sha
kaka.

Jesaja 64 : 6.

Fye atushe otwa pukile ngaashi eedi,
twe liyukila, keshe umwe nondjila yaye
mwene.

Jesaja 53 : 6.

Omunhu ngenge ina dalululwa, ita
dulu okumona ouhamba waKalunga.

Johannes 3 : 3.

3

OMWENE JESUS OKWE KU LONGEKIDILA EXUPIFO

Osheshi osho Kalunga a kala e hole
ounyuni, Oye a yandja Omona waye
Ewifa, opo keshe ou te mu itavele a ha
kane, ndelenee a kale e nomwenyo
waalushe.

Johannes 3 : 16.

Fye atushe otwa pukile ngaashi eedi,
twe liyukila, keshe umwe nondjila yaye
mwene. Ndelenee Omwene okwa
twika kombada yaye omatauluko etu
atushe.

Jesaja 53 : 6.

Oye ou ina shiiva nande oulunde,
okwe mu ninga oulunde molwetu, opo
tu ninge ouyuki waKalunga muye.

2 Korinto 5 : 21.

Osheshi naKristus okwa fila yo
omatimba lumwe aluke, omuyuki
ponhele yovalunde, opo e tu twale
kuKalunga.

I Petrus 3 : 18.

4 OMWENE JESUS OTA DULU OKUXUPIFA NOKWAAMENA

Osho ngaha Omwene e shii
kuxupifa ovayuki momahongaulo
nokukwatelela ovalunde va ka
handukilwe efiku letokolo.

2 Petrus 2 : 9.

Osheshi Oye mwene, eshi a
yahamekwa nokwa hongaulwa, ota
dulu okukwafa ava tava hongaulwa.
Heberi 2 : 18.

Onghee hano ota dulu yo okuxupifa
shili ava tava ehene ku Kalunga
mokweendela muye, shaashi oku
nomwenyo alushe, e va ilikanene.
Heberi 7 : 25.

Ndelenee Oye ou ta dulu oku mu
amena, mu ha punduke note mu
kaleke mehafo koshipala shoshinge
shaye, mu he noshipo.
Judas ov. 24.

Eevelishe oda kufwa mOmbibeli yomOshikwanyama, 1974
© Ombibelihangano la Suid-Afrika
Oka nyanyangidwa kedimino layo

2

OVE WA NYENGWA OKULIXUPIFA

Oku nondjila ya yuka momesho
omunhu, ndelenee exulilo layo
eendjila defyo.

Omayeletumbulo 14 : 12.

Osheshi ou ta wanifa omhangao aishe,
ndele ta nyono shimwe, oye oku
netimba laaishe.

Jakob 2 : 10.

Osheshi kape na nande ombelela imwe
tai yikipalifwa koilonga yomhangao.

Galati 2 : 16.

Jesus okwe mu nyamukula : Aame
ondjila noshili nomwenyo ; kape na
ou te uya ku Tate, ngenge hamuame
ta pitile.

Johannes 14 : 6.

Ndele kaku namukwao, exupifo la
kala muye, osheshi kaku nedina
limwe lilili koshi yeulu, la
yandjelwa ovanhu omo tu
nokuxupifilwa mo.

Oilonga 4 : 12.

ONGHEE HANO:

Lidilulula!

Ndele ngenge itamu lidilulula, osho
nanye yo tamu ka nyonauka po
amushe.

Lukas 13 : 3.

Itavela!

Itavela Omwene Jesus Kristus, opo
to ka xupifwa neumbo loye alishe.

Oilonga 16 : 31.

Hepaulula omatimba oye!

Osheshi Kalunga Oye umwe nopokati
ka Kalunga novanhu oumwe, omunhu
Kristus Jesus.

I Timoteus 2 : 5.

Kala ondombwedi yOmwene movanhu!

Osheshi ngenge to hepaulula nokanya
nokutya, Jesus Oye Omwene, ndele to
itavele momutima woye, kутя
Kalunga e mu nyumuna movafi, oto
xupifwa; osheshi okwiitavela
nomutima otaku yikipalifa,
nokuhepaulula nokanya otaku xupifa.
Roma 10 : 9, 10.